

ACTA DA XUNTA DE GOBERNO LOCAL
Sesión do 28 de abril de 2010

ASISTENTES:

Membros :

D. Abel Caballero Álvarez
D^a Isaura Abelairas Rodríguez
D. Francisco Xabier Alonso Pérez
D. Xulio Calviño Rodríguez
D. Santiago Domínguez Olveira
D. Carlos López Font
D. Eudasio Álvarez Álvarez
D^a M^a Xosé Méndez Piñeiro
D. Santos Héctor Rodríguez Díaz
D. José Manuel Mariño Mendoza

NON ASISTEN:

Invitados:

D^a Raquel Díaz Vázquez
D^a María Jesús Lago Rey
D^a Laura López Atrio
D. Angel Rivas González
D. Xesús López Carreira
D^a Iolanda Veloso Ríos

Na Casa do Concello de Vigo, ás catorce horas do día vinte e oito de maio de dous mil dez e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o titular do órgano de apoio á Xunta de Goberno Local, Sr. Lorenzo Penela, o interventor xeral, Sr. González Carnero, titular da Asesoría Xurídica, Sr. González Yebra-Pimentel..

A Xunta de Goberno Local adopta os seguintes acordos:

1(526).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(527).- PRÓRROGA DO CONTRATO PARA O MANTEMENTO DOS ASCENSORES DO EDIFICIO CONSISTORIAL. EXPTE. 12194/444-194/440.

Examinadas as actuacións do expediente, dáse conta do informe-proposta do xefe da oficina Administrativa de Contratación, do 15.04.10, conformado pola concelleira da Área de Servizos Xerais, a xefa do Servizo de Fiscalización e o interventor xeral, que di o seguinte:

A Xunta de Goberno Local, de data 17 de marzo de 2008, acordou adxudicar a Schindler, S.A. os servizos de mantemento integral de dous ascensores intalados na Casa do Concello de Vigo por un importe de 10.113,5 euros e un prazo de execución de dous anos.

Na cláusula 2.3 do prego de cláusulas administrativas fíxase o prazo de execución do contrato que será o establecido no apartado 7.1.2 da FEC (“duración do contrato: dous anos”) e que o mesmo poderá ser obxecto de prórroga polo período que se prevé no apartado 7.3 da FEC: “prórroga do contrato: Si. 7.3.1. En caso afirmativo duración: dúas prorrogas dun ano cada unha”.

O xefe da Area de Servizos Xerais en informe de 24-02-2010 informa favorablemente a prorroga do contrato.

A vista das anteriores consideracións proponse a Xunta de Goberno Local do Concello de Vigo e previo informe da Intervención Xeral, a adopción do seguinte acordo:

Autoriza-la prorroga para o periodo comprendido entre o 01-05-2010 ó 30-04-2011 do contrato para a prestación dos servizos de mantemento integral de dous ascensores intalados na Casa do Concello de Vigo do que é actual contratista Schindler, S.A.

O importe da prorroga será de 10.113,5 euros, sen perxuízo das revisións de prezos que procedan, e se imputaran á partida 121.0.227.06.00 de acordo coa seguinte distribución: 6742,33 euros no ano 2010 e 3.371,17 euros no ano 2011.

Acordo

A Xunta de Goberno local aproba a proposta contida no precedente informe.

3(528).- ADXUDICACIÓN PROVISIONAL DAS OBRAS DE “CONSTRUCCIÓN DUNHA PISTA DEPORTIVA PARA MAIORES EN VALADARES”. EXPTE. 4598/320.

Examinadas as actuacións do expediente, visto o informe de fiscalización do 28.04.10, e de acordo coa proposta da Mesa de Contratación celebrada o 27.04.10, a Xunta de Goberno local acorda:

1º.- Adxudicar provisionalmente a mercantil OBRAS, REFORMAS Y SANEAMIENTOS, S.L., o procedemento negociado sen publicidade para a contratación das obras de “construción dunha pista deportiva para maiores en Valadares” (Expediente 4598-320) por un prezo total de 137.365,22 euros IVE incluído (a cota correspondente o IVE é de 18.946,93 euros) e coas seguintes prestacións adicionais:

- Sobre o persoal mínimo medio esixido de 3 persoas, aporta a maiores 1 persoa procedentes de situación legal de desemprego, que é desempregada de larga duración.
- Incrementa a aportación ao control de calidade na porcentaxe do 1%, pasando do 2% fixado no prego de prescricións técnicas ó 3 %.
- Incrementa o prazo de garantía en 48 meses respecto do prazo de 12 meses fixados no prego de cláusulas administrativas particulares, co que o prazo total de garantía é de 60 meses.
- Propón a execución das seguintes melloras valoradas por un importe total de 8.000 € euros:
 1. Banco modelo Bilbao o similar (4unidades)
 2. Papeleira fixa modelo Bruma (4 unidades)
 3. Xardineira granito gris alba (1 unidad)

Todo o anterior de acordo co prego de cláusulas administrativas particulares e o proxecto aprobado por acordo da Xunta de Goberno de 08-04-2010 e a oferta presentada.

2º.- No prazo dos 10 días hábiles seguintes a inserción no perfil do contratante do presente acordo, o adxudicatario provisional terá que presentar a seguinte documentación:

- Declaración responsable de non estar incurso en prohibición de contratar, que incluírá ademais a certificación de acharse ao corrente das súas obrigacións tributarias co Estado, Xunta de Galicia e coa Seguridade Social.(A non existencia de débedas de carácter tributario co concello de Vigo se comprobará directamente por esta administración).
- Resgardo da garantía definitiva e, no seu caso, da garantía complementaria esixida.

3º.- Esta proposta de adxudicación provisional se converterá en proposta de adxudicación definitiva sen necesidade dun novo acordo da mesa de contratación, se se presentan os documentos esixidos no apartado 2º da proposta.

E sen ter máis asuntos que tratar, o Sr. presidente rematou a sesión ás catorce horas e cinco minutos. Como secretaria dou fé.

me.

A CONCELLEIRA-SECRETARIA
DA XUNTA DE GOBERNO LOCAL,

Isaura Abelairas Rodríguez.